



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-11-16-8-5/26-ES/DE
Tuzla, 16.03.2026. godine

Na osnovu člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16), te postupajući po Zaključku Ureda za razmatranje žalbi Bosne i Hercegovine broj: JN2-03-07-1-147-3/26 od 06.03.2026. godine, donosi se

O D L U K A
o izmjeni Javnog poziva
za dostavu ponuda za
USLUGE POSLOVNIH BANAKA ZA POTREBE ZAVODA ZDRAVSTVENOG
OSIGURANJA TUZLANSKOG KANTONA

Član 1

Vrši se izmjena Javnog poziva za dostavu ponuda za usluge poslovnih banaka za potrebe Zavoda zdravstvenog osiguranja Tuzlanskog kantona (u daljem tekstu: Javni poziv), objavljenog dana 08.01.2026. godine, na službenoj internet stranici Zavoda zdravstvenog osiguranja Tuzlanskog kantona (www.zzotk.ba), u dijelu koji se odnosi na rok za dostavljanje ponuda.

Član 2

Mijenja se tačka 11.1. Javnog poziva i ista sada glasi:
"Krajnji rok za dostavu ponuda je 24.03.2026. godine do 11:00 sati, na adresu: Zavod zdravstvenog osiguranja Tuzlanskog kantona (75 000 Tuzla, Franjevačka broj 36.)".

Član 3

Ponude koje su dostavljene prije izjavljene žalbe ostaju važeće i biće predmet daljeg razmatranja u postupku.

U skladu sa članom 57. stav (2) Zakona o javnim nabavkama Bosne i Hercegovine ponuđač može prije isteka roka za dostavu ponuda svoju ponudu izmijeniti, dopuniti ili od nje odustati. U slučaju izmjene ili dopune ponude, ista se dostavlja na isti način kao i ponuda, u roku naznačenom u izmijenjenom roku za dostavljanje ponuda. U slučaju povlačenja ponude, prije isteka roka za dostavu ponuda, ponuđač može pismeno zahtijevati povrat svoje neotvorene ponude.

Član 4

Ova odluka će biti objavljena na službenoj internet stranici Zavoda zdravstvenog osiguranja Tuzlanskog kantona, na istom mjestu na kojem je objavljen Javni poziv.

Član 5.

Ova Odluka stupa na snagu danom donošenja.

OBRAZLOŽENJE

U postupku po Javnom pozivu izjavljena je žalba, zbog čega je predmet dostavljen na odlučivanje Uredu za razmatranje žalbi Bosne i Hercegovine (u daljem tekstu: URŽ). Zaključkom URŽ-a broj: JN2-03-07-1-147-3/26 od 06.03.2026. godine žalba je **odbačena zbog nenadležnosti ovog tijela**, uz obrazloženje da predmetni postupak ne predstavlja postupak javne nabavke u smislu Zakona o javnim nabavkama Bosne i Hercegovine, te da za odlučivanje o predmetnoj žalbi nije nadležan Ured za razmatranje žalbi.

S obzirom da su donošenjem navedenog zaključka prestale procesne prepreke za dalje vođenje postupka, Zavod nastavlja predmetni postupak po Javnom pozivu.

Imajući u vidu da je postupak bio privremeno obustavljen tokom trajanja žalbenog postupka, te u cilju osiguranja transparentnosti postupka i jednakog tretmana svih zainteresovanih učesnika, Zavod je odlučio izvršiti izmjenu Javnog poziva u dijelu koji se odnosi na rok za dostavljanje ponuda.

Produženjem roka za dostavljanje ponuda omogućava se svim zainteresovanim učesnicima dovoljno vremena za pripremu ponuda, kao i eventualnu izmjenu ili dopunu već dostavljenih ponuda. Pri tome je Zavod imao u vidu odredbu člana 57. stav (2) Zakon o javnim nabavkama Bosne i Hercegovine kojom je propisano da ponuđač može prije isteka roka za dostavu ponuda svoju ponudu izmijeniti, dopuniti ili od nje odustati.

Svi ostali uslovi iz Javnog poziva ostaju neizmijenjeni.

Na osnovu svega navedenog odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se podnijeti prigovor Zavodu zdravstvenog osiguranja Tuzlanskog kantona u roku od 5 dana od dana objave odluke na službenoj internet stranici Zavoda zdravstvenog osiguranja Tuzlanskog kantona.

Odluka donesena po prigovoru je konačna u postupku pred Zavodom zdravstvenog osiguranja Tuzlanskog kantona.

Protiv odluke donesene po prigovoru može se pokrenuti upravni spor pred nadležnim sudom u skladu sa važećim propisima.

DIREKTOR



Doc.dr.sc. Denis Husić, dipl.pravnik